

文淵樓叢書

校漢書八表

第八冊

竟甯元年

七月丙寅

太子太傅

張譚爲御

史大夫三

年坐選舉

不實免

按表系張譚爲御史大夫于七月誤也證之馮野王傳延壽卒在位多舉野王上使尙書選第中二千石而野王行能弟一上曰吾用野王爲三公後世必謂我私後宮親屬乃下詔曰剛強堅固確然亡欲大鴻臚野王是也心辯善辭可使四方少府五鹿充宗是也廉絜節儉太子少傅張譚是也其以少傅爲御史大夫又攷本紀是年五月元帝崩張譚爲御史大夫出自元帝之詔不當命官乃在崩後故通鑑据史記年

表系之三月丙寅然長祿丙寅在二月又證以本紀竟甯元年三月癸未五月壬辰上推丙寅乃雙月日分非單月日分也通鑑据本紀系延壽卒于二月則下文丙寅譚之授御史大夫同在二月明甚乃既誤据史表而下文癸卯亦二月日分否則四月日分俱不在三月也今謂延壽之卒譚之代皆在二月當作二月丙寅太子太傅當作太子少傅證之毛本亦云少傅

孝成建始

四年

十一月壬戌少府張忠爲御史大夫六年

卒

按張忠爲御史大夫代尹忠也證之成紀建始四年冬十月御史大夫尹忠以河決不憂職自殺長祿是年十月癸卯朔壬戌乃十月二十日疑尹忠之免張忠之代皆同月也通鑑据表系張忠爲御史大夫于十一月壬戌竝尹忠之自殺亦系之十一月蓋未檢本紀又誤記壬戌在十一月也

陽朔二年

四月癸卯

侍中太僕

王音爲御

史大夫一

年遷

按四月史表作六月又通鑑書四月丁卯疑据荀紀然癸卯丁卯俱是年四月日分也

永始二年

三月丁酉

京兆尹翟

方進爲御

史大夫八

月貶爲執

金吾十一

月壬子諸

吏散騎光

祿勳孔光

爲御史大

夫七年貶

爲廷尉

按方進傳是年丞相薛宣免方進亦左遷執金吾二十餘日

丞相官缺羣臣多舉方進者上遂擢方進爲丞相此表系方

進自執金吾爲丞相于十一月壬子核之宣免相在十月正

二十餘日耳溫公攷異謂表云八月貶者言方進自三月爲

御史大夫至十月而貶

通鑑本正文及攷異皆誤記二人凡之免于十一月辨見前丞相表中凡

居官八月耳荀紀遂系方進貶于秋八月誤也按表所記遷免之年皆据本人居官之年分數之非帝年也

綏和元年

三月戊午

廷尉何武

爲御史大

夫四月乙

卯爲大司

空一年免

按綏和元年改御史大夫爲大司空與大司馬丞相爲三公語見表上武遷御史大夫在前改大司空及封侯在後惟是年三月無戊午而武爲御史大夫代孔光也證之成紀是年二月癸丑詔立定陶王欣爲皇太子又證之光傳上召丞相

翟方進御史大夫光等入禁中議中山定陶王誰宜爲嗣者
光以議不中意左遷廷尉据此則光之免及何武之代應在
二月故通鑑系之二月戊午無攷異疑溫公所見之漢書本
作二月戊午三字乃傳寫之誤也武以二月遷御史大夫四
月改大司空而自公孫弘後皆以丞相封侯御史大夫不得
與之比是年以御史大夫爲三公祿比丞相于是武以大司
空侯見前恩澤表中惟彼作四月乙丑此作四月乙卯皆四
月日分也

孝哀建平

二年

四月戊午
大司空朱

博爲御史大夫乙亥遷

按是年罷大司空復稱御史大夫語具表上

元壽二年

五月甲子御史大夫彭宣爲大司空

按是年五月復正三公職又以丞相爲大司徒與大司馬大司空爲三公自是大司馬位居三公首矣語俱具表上

孝平元始

二年

二月癸酉大司空王

崇免四月
丁酉少府
左將軍甄
豐爲大司
空

按長祿是年二月無癸酉又以下文四月丁酉上推癸酉乃三月日分也通鑑据荀紀改系之三月癸酉者得之

右御史大夫大司空

列將軍

按表上言前後左右將軍皆周末官秦因之齊召南云按沈約宋志言周制王立六軍晉獻公作二軍公將上軍將軍之名起此左傳昭二十八年豈將軍食之而有不足疏云晉使卿爲軍將謂之將中軍將上軍此以魏子將中軍故謂之將

軍及六國以來遂以將軍爲官名蓋其原始于此予謂晉初作二軍故公將上軍後作三軍遂以中軍爲尊左傳吳子伐齊中軍從王又言齊國書將中軍皆有上下軍列國制亦多似此左右軍之名實始于楚左傳沈尹將中軍子重將左子反將右是也然則楚之左右卽晉之上下而哀公十一年吳伐齊則上下軍之外復有右軍是上下左右亦無定制也漢之前後左右將軍亦如此班氏謂不常置或有前後或有左右者是也

孝文元年

太中大夫

薄昭爲車

騎將軍

代中尉宋

昌爲衛將軍

按將軍之官自秦以來有高帝之興周勃樊噲酈商灌嬰

皆爲將軍高后八年遣將軍隆慮侯周竈擊南越又置長沙

兩將軍備之

語見文帝賜南越王佗書中

惟其時所遣將軍未嘗冠以名

號文帝自代邸入宮夜拜宋昌爲衛將軍卽位後遣車騎將軍薄昭迎皇太后于代故表中託始于此胡氏通鑑注引蔡質漢儀漢興置大將軍驃騎將軍位次丞相車騎將軍衛將軍左右前後將軍位次上卿因言大將軍始于灌嬰票騎車騎以下景武之後方有其官今攷漢初將軍雖無名號而車騎將軍乃特設之官實不始于文帝之命薄昭也證之灌嬰傳漢王收兵滎陽楚騎來衆漢王欲擇軍中可爲騎將者皆

推故秦騎士重泉人李必駱甲而二人以秦民恐軍不信已
願得漢王左右善騎者傅之嬰數力戰乃拜爲中大夫令必
甲爲左右校尉將郎中騎兵擊楚騎于滎陽東大破之其後
復受詔將郎中騎兵東屬韓信擊破齊軍于厯下項籍之敗
于垓下也嬰以御史大夫將軍騎別追籍至東城破之所將
卒五人共斬項籍皆賜爵列侯漢王卽帝位嬰以車騎將軍
從擊燕王荼据此則嬰以善車騎遂專其號文帝之命薄昭
仿前制爲之沿及景武時罷時置胡氏不改嬰傳以爲置在
衛將軍後是竝文帝之命薄昭亦不據也又言大將軍始于
灌嬰者亦誤見下

又按表例大司馬冠以大將軍號者皆入太尉大司馬行中

若未置大司馬以前所命統軍事之大將軍仍入列將軍表中蓋自武帝元朔五年衛青將三萬騎出擊匈奴還至塞天子使使者持大將軍印卽軍中拜青爲大將軍又五年爲元狩四年置大司馬大將軍而大將軍之位始得次丞相然則武帝以前其稱大將軍者亦上卿之列而已胡身之謂大將軍始于灌嬰證之文帝詔言呂祿爲上將軍壇則與漢高之拜韓信同證之高紀蕭何薦信于漢王乃齎戒設壇場拜信爲大將軍則自漢初已稱大將軍矣又證之文帝紀高后八年文帝入代邸諸臣上議列大將軍柴武其非始于灌嬰明矣

孝景三年

故詹事實
嬰大將軍

按吳淠傳時征七國嬰屯滎陽而酈寄擊趙繆布擊齊俱爲大將軍則大將軍之號自漢初以來未之改也

孝武元狩

三年

冠軍侯霍
去病爲票
騎將軍

按武紀拜去病票騎將軍在元狩二年惟傳中系之三年攷去病封侯在元朔六年推至元狩二年爲侯之三年而傳言去病侯之三年爲元狩三年則豈非侯之四年乎表亦系之三年蓋沿傳之誤又去病爲大司馬在元狩四年入太尉表

中此時但授票騎將軍故于列侯表中書之以此校表則元朔五年衛青爲大將軍亦當次寶嬰之後書之疑佚也

後元二年

侍中駙馬

都尉金日

磾爲車騎

將軍一年

薨太僕上

官桀爲左

將軍七年

反誅

按前此命將皆備征討此以立太子輔政車騎將軍左將軍皆副大將軍自此大司馬之權重于丞相矣

孝昭始元

四年

衛尉王莽
爲右將軍
三年卒騎
都尉上官
安爲車騎
將軍三年
反誅

按昭帝紀元鳳元年九月燕王旦與左將軍上官桀子票騎
將軍安御史大夫桑弘羊皆謀反伏誅霍光傳亦云安爲票
騎將軍封桑樂侯惟外戚傳作車騎將軍與表同然證之本
紀是年冬十月詔曰左將軍安陽侯桀票騎將軍桑樂侯安
云云則作票騎者爲正

孝宣神爵

二年

後將軍趙
充國

按充國以元平元年爲後將軍見前此復書後將軍充國者以征西羌命之也自昭帝以後所拜大將軍列將軍皆以無事命之然征討之命史不乏書如本紀所載本始二年秋御史大夫田廣明爲祁連將軍後將軍趙充國爲蒲類將軍雲中太守田順爲虎牙將軍及度遼將軍范明友前將軍韓增凡五將軍兵十五萬咸擊匈奴度遼及前將軍皆元平元年與充國竝命此仍其號唯充國改稱蒲類將軍故本傳言充國爲蒲類將軍征匈奴還爲後將軍少府是也神爵元年西羌反四月遣後將軍趙充國彊弩將軍許延壽擊之六月拜酒泉太守辛武賢爲破羌將軍與兩將軍竝進据此則充國